

INDEX GEOGRAPHICUS. 99

Judic. 9. & urbs ipsa Sichar, Joann. 4. v. 5. Venit (Jesús) in civitatem Samariæ, quæ dicitur Sichar, juxta prædium, quod dedit Jacob filio suo Joseph. v. 6. Erat autem ibi Fons Jacob.

Sicyon urbs in Peloponneso, ad quam Romani litteras scripsere, & Judæos sibi amicos dixere, 1. Mach. 15. v. 23.

Side Pamphylia in Asia Minori urbs maritima, ad quam Romani scripsere, Judæosque sibi confederatos dixere, 1. Mach. 15. v. 23.

Sidon. Genes. 10. v. 19. Facti sunt termini Chanaan venientibus à Sidone Geraram, usque Gazam. Jos. 11. v. 8. & 19. v. 28. Sidonem magnam vocat, eamque describit in sorte Tribus Aser. Jud. etenim 1. v. 31. Aser quoque non delevit habitatores Acco & Sidonis. & 10. v. 6. Filii autem Israël servierunt Idolis Baalim, & Astaroth, & Diis Syriae, & Sidonis; ideoque in Sidonem multa habent Prophetæ Isa. Jerem. Ezech. & alii. De Sidone Matth. 11. v. 21. 22. & 15. v. 21. & seq. In partibus Tyri & Sidonis Christus mulieris Chanaanæ filiam malè à Dæmonio vexatam sanavit. Marc. 7. v. 25. & seq. eandem refert historiam. Act. Ap. 27. v. 3. Paulus per Sidonem transiit, cum à Julio Romam duceretur. Cæterum urbs ipsa Sidon antiquissima est, & quæ à Sidone primogenito undecim filiorum Chanaan ædificata, aut saltem ab ejus filiis, & in patris memoriam nominata, situ fertili, salubri, commodissimo, & fortissimo est, ita ut ab Israëlitis numquam domari potuerit: suosque retinuerit Deos, Deamque Astarten, quam uxorum suarum Gentilium impulsu adoravit aliquando Salomon.

Sihor in recensione urbium viginti duarum Tribus Aser octava, Jos. 19. v. 26.

Sihor alia est, aliàs Sior, in Tribus Judæ parte septima, Jos. 15. v. 54. ubi Sior scribitur; & Sihor 1. Paral. 13. v. 5. cum David congregavit cunctum Israël à Sihor Ægypti usquedum ingrediariis Emath.

Simonias vicus Joseph. in vita sua; eum non longè à Nazareth putat Adrichomius.

Silo. Judic. 21. v. 19. Ecce solemnitas Domini est in Silo anniversaria, quæ sita ad septentrionalem plagam viæ, quæ de Bethel tendit ad Sichimam, & ad meridiem oppidi Lebona. Vide Lemna.

Simeonis tota Tribus ex Tribu Juda excerpta est, Philisthæis vicina, quæ in Desertum sive Idumæam, & Ægyptum iter est. Nomen habet à Simeone filio Jacob secundo ex Lia uxore. De Simeone & Levi eadem vaticinatus est Jacob. V. Levi. Et Moyses in Tribuum benedictione nullam Simeonis facit mentionem. Putatur, quod ex ea Judas Christi Salvatoris proditor nasciturus esset. Ex hac Tribu Salamiel filius Surisaddai 59300. Simeonitarum Princeps fuit in Deserto, Numer. 1. v. 6. Saphat filius Huri explorator Terræ Chanaan, 13. v. 6. quam ingressi sunt 22200. Sed Zambri filius Salu fornicator cum Cozbi filia Zur Principis Madianitarum occisus est à Phinee. Simeonis Tribum describit Josue 19.

Sin. Exod. 16. v. 1. Profectique de Elim, venit omnis multitudo filiorum Israël in Desertum Sin, quod est inter Elim & Sinai. 17. v. 1. Profecta omnis multitudo filiorum Israël de Deserto Sin. castrametati sunt in Raphidim: ubi non erat aqua ad bibendum populo, &c. De iis, qui ad explorandam Terram Promissam missi sunt: Num. 13. v. 22. Exploraverunt Terram à Deserto Sin usque Rohob intrantibus Emath. Ex hoc loco videtur Desertum Sin confine Terræ Promissæ à Meridie. 20. v. 1. Venerunt filii Israël, & omnis multitudo in Desertum Sin... & mansit populus in Cades. 27. v. 14. Offendistis me in Deserto Sin... hæc sunt Aquæ contradictionis in Cades Deserti Sin. 33. v. 36. Desertum Sin, hæc est Cades; ubi Israëlitarum mansio in Deserto, inter Asion-gaber, & montem Hor.

Latit.
Gr. Scr.

Longit.
Gr. Scr.

37. 5. 48. 25.

36. 35. 63. 40.

33. 36. 67. 7½.

32. 56. 66. 56.

31. 27. 66. 27.

32. 43. 66. 50.

31. 59. 66. 57.

31. 20. 65. 40.

28. 45. 66. 45.